

UNIVERZITET U TUZLI

Na osnovu Odluka Senata Univerziteta u Tuzli broj: 03-5575-1-4.3/21 od 21.10.2021. godine i broj: 03-77-1-14.2/22 od 12.01.2022. godine, te Odluka Vlade Tuzlanskog kantona o davanju saglasnosti broj: 02/1-30-9093/22 od 12.04.2021. godine

raspisuje

KONKURS

za izbor u naučno-nastavna i saradnička zvanja bez zasnivanja radnog odnosa

Ekonomski fakultet

Nastavnik u sva naučno-nastavna zvanja za užu naučnu oblast:

„Finansije i finansijska politika“ 1 izvršilac

Saradnik u saradničko zvanje **asistent** za užu naučnu oblast:

„Marketing“ 2 izvršioca

Filozofski fakultet

Nastavnik u sva naučno-nastavna zvanja za uže naučne oblasti:

„Lingvistika“ 1 izvršilac

„Sociologija“ 1 izvršilac

„Politologija“ 1 izvršilac

Saradnik u saradničko zvanje **viši asistent** za užu naučnu oblast:

„Psihologija“ 1 izvršilac

Saradnik u saradničko zvanje **asistent** za uže naučne oblasti:

„Komunikologija“ 2 izvršioca

„Masovni mediji“ 1 izvršilac

„Politologija“ 1 izvršilac

Mašinski fakultet

Saradnik u saradničko zvanje **asistent** za uže naučne oblasti:

„Mašinske konstrukcije“ 2 izvršioca

„Mehatronički inženjering“ 1 izvršilac

„Mašinski proizvodni inženjering“ 1 izvršilac

Medicinski fakultet

Nastavnik u sva naučno-nastavna zvanja za nastavni predmet:

„Infektologija“ 1 izvršilac

Saradnik u saradničko zvanje **viši asistent** za nastavne predmete:

„Radioterapijski uređaji“ 1 izvršilac

„Medicinska mikrobiologija sa imunologijom“ 1 izvršilac

„Medicinska mikrobiologija sa parazitologijom“ 1 izvršilac

Saradnik u saradničko zvanje **asistent** za nastavni predmet:

„Patologija“ 1 izvršilac

Rudarsko-geološko-građevinski fakultet

Saradnik u saradničko zvanje **asistent** za užu naučnu oblast:

„Minerologija i petrologija“ 1 izvršilac

Tehnološki fakultet

Saradnik u saradničko zvanje **viši asistent** za uže naučne oblasti:

„Inženjerstvo zaštite okoline“ 1 izvršilac

„Animalna proizvodnja i mljekarstvo“ 1 izvršilac

Uslovi za izbor u zvanja

Kandidat za izbor u naučno-nastavna i saradnička zvanja bez zasnivanja radnog odnosa mora ispunjavati posebne uslove propisane članom 80. Zakona o visokom obrazovanju (Prečišćeni tekst) („Službene novine Tuzlanskog kantona“, broj: 21/21) i članovima 239. i 240. Statuta Univerziteta u Tuzli koji se može pogledati na web stranici www.unitz.ba.

Uz svojeručno potpisanu Prijavu na konkurs kandidat je dužan dostaviti:

- biografiju (ličnu, koja sadrži i opis toka školovanja sa naznakom prethodno završenih ciklusa studija/stečenih zvanja, sa podacima gdje i kada su stečeni, kratak opis kretanja u službi, sa nazivom poslova koje je obavljao, pohvale, nagrade, druga priznanja);
- izjavu da nije pravosnažno osuđen na kaznu zatvora u trajanju dužem od tri mjeseca za neko od krivičnih djela iz stava (3) člana 59. Zakona o visokom obrazovanju (Prečišćeni tekst) ("Službene novine TK", br. 21/21), ovjerenu kod nadležnog općinskog organa ili notara

- dokaze o ispunjavanju uslova za izbor u zvanja nastavnika i saradnika i to:

REDOVNI PROFESOR

a) završen stepen trećeg ciklusa studija/doktorat nauka iz odgovarajuće naučne oblasti ili područja;
Dokaz: diploma o završenom odgovarajućem trećem ciklusu studija/doktoratu nauka, ukoliko je diploma stečena u inostranstvu prilaže se i rješenje nadležnog organa o nostrifikaciji stečene inostrane isprave (original ili kopija ovjerena kod nadležnog općinskog organa ili notara)

b) proveden najmanje jedan izborni period u zvanju vanrednog profesora;

Dokaz: Odluka o izboru u zvanje vanrednog profesora (original ili kopija ovjerena kod nadležnog općinskog organa ili notara)

c) najmanje dvije objavljene knjige iz oblasti izbora;

Dokaz: Naučna knjiga/naučna monografija/univerzitetski udžbenik/knjiga (roman, zbirka, pripovjetka i sl.) (uvezani primjerak publikacije)

d) najmanje osam naučnih radova iz oblasti izbora objavljenih u priznatim publikacijama;

Dokaz: *fotokopije* radova objavljenih u domaćim publikacijama koje su definirane u Registru domaćih publikacija i/ili međunarodnim publikacijama koje prate međunarodne baze podataka

a sve nakon sticanja zvanja vanrednog profesora,

e) uspješno mentorstvo kandidata za stepen drugog i trećeg ciklusa studija, odbranjena doktorska disertacija i magistarski rad

Dokaz: odluka za mentorstvo kandidatu na drugom i trećem ciklusu studija, odnosno postdiplomskom studiju/doktoratu nauka izdata od akreditovane javne visokoškolske ustanove (ime i prezime kandidata, naslov rada, datum i mjesto odbrane), kao i dokaz da je doktorska disertacija, odnosno magistarski rad odbranjen (original ili kopija ovjerena kod nadležnog općinskog organa ili notara).

VANREDNI PROFESOR

a) završen stepen trećeg ciklusa studija/doktorat nauka iz odgovarajuće naučne oblasti ili područja;

Dokaz: diploma o završenom odgovarajućem trećem ciklusu studija/doktoratu nauka, ukoliko je diploma stečena u inostranstvu prilaže se i rješenje nadležnog organa o nostrifikaciji stečene inostrane isprave (original ili kopija ovjerena kod nadležnog općinskog organa ili notara)

b) proveden najmanje jedan izborni period u zvanju docenta;

Dokaz: Odluka o izboru u zvanje docenta (original ili kopija ovjerena kod nadležnog općinskog organa ili notara)

c) najmanje pet naučnih radova iz oblasti izbora objavljenih u priznatim publikacijama;

Dokaz: *fotokopije* radova objavljenih u domaćim publikacijama koje su definirane u Registru domaćih publikacija i/ili međunarodnim publikacijama koje prate međunarodne baze podataka

d) objavljena knjiga iz oblasti izbora;

Dokaz: Naučna knjiga/naučna monografija/univerzitetski udžbenik/knjiga (roman, zbirka, pripovjetka i sl.) (uvezani primjerak publikacije)

e) originalni stručni uspjeh, kao što je projekat, patent ili originalni metod

Dokaz: Za originalni stručni uspjeh kao što je projekat, patent ili originalni metod prilaže se dokaz institucije koja je odobrila isti, sa naznakom naziva i perioda trajanja projekta/naučni članak publiciran kao rezultat projekta/dokaz institucije koja je odobrila patent (original ili kopija ovjerena kod nadležnog općinskog organa ili notara)

a sve nakon sticanja zvanja docenta,

f) uspješno mentorstvo kandidatu za stepen drugog ciklusa studija, odbranjen magistarski rad.

Dokaz: odluka za mentorstvo kandidatu na drugom ciklusu studija, odnosno postidpolomskom studiju izdata od akreditovane javne visokoškolske ustanove (ime i prezime kandidata, naslov rada, datum i mjesto odbrane), kao i dokaz da je magistrski rad odbranjen (original ili kopija ovjerena kod nadležnog općinskog organa ili notara)

DOCENT

a) završen stepen trećeg ciklusa studija/doktorat nauka iz odgovarajuće naučne oblasti ili područja;

Dokaz: diploma o završenom odgovarajućem trećem ciklusu studija/doktoratu nauka, ukoliko visokoškolska ustanova nije izdala diplomu prilaže se uvjerenje o stečenom naučnom/stručnom stepenu kao i potvrda visokoškolske ustanove da diploma nije izdata, ukoliko je diploma stečena u inostranstvu prilaže se i rješenje nadležnog organa o nostrifikaciji stečene inostrane isprave (original ili kopija ovjerena kod nadležnog općinskog organa ili notara)

b) najmanje tri naučna rada iz oblasti izbora objavljena u priznatim publikacijama;

Dokaz: fotokopije radova objavljenih u domaćim publikacijama koje su definirane u Registru domaćih publikacija i/ili međunarodnim publikacijama koje prate međunarodne baze podataka)

c) pokazane nastavničke sposobnosti.

Dokaz: Potvrda da kandidat posjeduje pokazanu nastavničku sposobnost izdata od akreditovane visokoškolske ustanove, koja sadrži naziv uže naučne oblasti ili predmete izbora kao i nazive nastavnih predmeta iz kojih je držao nastavu (original ili kopija ovjerena kod nadležnog općinskog organa ili notara)

VIŠI ASISTENT

a) završen stepen drugog ciklusa studija (magisterij) iz odgovarajuće naučne oblasti ili područja;

Dokaz: diploma magistra nauka/diplomu drugog ciklusa studija i dodatak diplomi stečenoj po bolonjskom sistemu studiranja, ukoliko visokoškolska ustanova nije izdala diplomu prilaže se uvjerenje o stečenom naučnom/stručnom stepenu kao i potvrda visokoškolske ustanove da diploma nije izdata, ukoliko je diploma stečena u inostranstvu prilaže se i rješenje nadležnog organa o nostrifikaciji stečene inostrane isprave (original ili kopija ovjerena kod nadležnog općinskog organa ili notara)

ASISTENT

a) završen odgovarajući univerzitetski stepen sa najmanje 240 ECTS bodova;

Dokaz: diploma o završenom odgovarajućem dodiplomskom studiju/prvom/ integriranom prvom i drugom ciklusu studija, ukoliko visokoškolska ustanova nije izdala diplomu prilaže se uvjerenje o stečenom naučnom/stručnom stepenu kao i potvrda visokoškolske ustanove da diploma nije izdata, ukoliko je diploma stečena u inostranstvu prilaže se i rješenje nadležnog organa o nostrifikaciji stečene inostrane isprave (original ili kopija ovjerena kod nadležnog općinskog organa ili notara)

b) ostvarena najniža prosječna ocjena u toku studija od osam, ili tri i po.

Dokaz: uvjerenje o ostvarenoj prosječnoj ocjeni u toku studija/dodatak diplomi stečenoj po bolonjskom sistemu studiranja (original ili kopija ovjerena kod nadležnog općinskog organa ili notara)

U slučaju da se na konkurs za izbor u nastavnička zvanja prijavi više kandidata čije su prijave blagovremene i potpune i koji ispunjavanju uslove iz konkursa, rangiranje kandidata vrši se na način utvrđen članom 254. Statuta Univerziteta u Tuzli uz pružene dokaze.

U slučaju da se na konkurs za izbor u saradnička zvanja prijavi više kandidata čije su prijave blagovremene i potpune i koji ispunjavanju uslove iz konkursa, a na osnovu pruženih dokaza po kriterijima iz člana 240. stav (5) i stav (9) Statuta Univerziteta, odabir kandidata će se izvršiti rangiranjem kandidata u skladu sa Pravilnikom o načinu vrednovanja kriterija u postupku izbora asistenata i viših asistenata na Univerzitetu u Tuzli (u daljem tekstu: Pravilnik).

Lice koje je pravosnažno osuđeno na kaznu zatvora u trajanju dužem od tri mjeseca za neko od krivičnih djela iz stava 3. člana 59. Zakona o visokom obrazovanju (Prečišćeni tekst) ("Službene novine TK", br. 21/21) ne može se angažovati po osnovu ugovora o radu ili nekog drugog ugovornog odnosa na istoj ili drugoj visokoškolskoj ustanovi na području Kantona.

Primjer Izjave da nije pravosnažno osuđen na kaznu zatvora u trajanju dužem od tri mjeseca za neko od krivičnih djela iz stava (3) člana 59. Zakona o visokom obrazovanju (Prečišćeni tekst) ("Službene novine TK", br. 21/21), Statut i Pravilnik mogu se pogledati na web stranici Univerziteta: www.unitz.ba

Rok za podnošenje prijave na konkurs je 15 dana od dana objavljivanja u dnevnom listu „Dnevni avaz“ i na web stranici Univerziteta **www.unitz.ba**.

Nepotpune i neblagovremene prijave neće se uzeti u razmatranje.

Prijavu na konkurs, sa dokazima o ispunjavanju uslova iz konkursa, dostaviti putem Pisarnice Univerziteta ili preporučeno poštom na adresu: UNIVERZITET U TUZLI Ul. Dr. Tihomila Markovića broj. 1. 75 000 TUZLA, sa naznakom „Prijava na konkurs za izbor u nastavnička i saradnička bez zasnivanja radnog odnosa", te sa obaveznom naznakom naziva Fakulteta i uže naučne oblasti/nastavnog predmeta- „NE OTVARAJ“.